



-Pamebhamε

"Nimlɔv : 37 "Su : "Plee -Kwe : 2010 "Su -bha 'sëédhe -mü "Gwεetaawo

'WON -TAONG -MA 'GÜ 'SËÉDHE

Me -dewo -yö -së

'Me "dhü = nē "yɔn -kē ö -dega -bha pē -bha, 'yö- "dhia -yö gun 'ma- me -kpea -nu 'gü. -A suu -mü kwa -de -wo bha- 'ka. 'Bha- -wɔn 'kun "gbu-, 'yö -a = bhlëë 'dhö -kē me "wεε -nu 'wo to, -a nu wëédhö. -A -wɔn 'gü, kö kwa -de -wo bha, -a -ya -sü waa- -wo pö -sü bha, -kwaa -nu -wɔn 'kun "gbu-. -Kwa kwa -de nu -a -nu draan- -sü -dhe. -Kwa kwa 'ko -nu faan dö -a -nu draan- -sü -bha -dedewo.

Kwaa- =danwo pö "se 'gü -wɔn

Dhe -bɔn kē -sü 'yii yën =kö

"Maa "se 'gü



-Kwe do 'ö 'kwa dö- 'gü ya (2010), -a -bha =klang- -nu "teεpa "tëng bha, -a -wɔn -to seennë kö 'në dhebë -kaong saople ö ga =ple (72) -wo 'dho gbaannë 'gü "Maadhö. -Kɔlookota do 'bha 'ö 'wo- dhe Wlüü" "sia- ("Maa -me -nu -wa -pö Luu" "sia-) =nē "saa- gü 'yö "bɔn bha 'yii 'to 'zü- bha. Wlüü" "sia- bha -yö -ya "dhü kö -yö ö "tüng kē 'në dhebë -nu 'gü kö -a -nu -me -nu 'wa 'dho -a -nu kē- gbaannë 'ka =dhe -kɔ -dede 'ö guveenöma waa- =dhɔtrɔɔ -nu -wa pö- 'ka- 'dhö. -Kɔlookota bha -wa -gɔme dhe -dhe Odilö Padhelö, 'yö 'wo- -kɔ =wlöö 'ö-

-ya -sü 'ö "Lugwaadhö 'wo- -dhe Maimuna Banngba. 'Yö Wlüü" "sia- -kɔ "dhiü -me 'ö 'wɔn 'gbedhe 'ö -gban -a -bha 'ö "kwi 'dhö- -dhe kɔɔdinatrisü bha, 'wo- -dhe Ezieni =Göö- Tali. "Lugwaadhe bha, Wlüü" "sia- -bha =bidhong 'seennë -kaong =ple (20) -yö -ya -sü 'ka mü. Maimuna bha =nē =dhe 'ö gbaannë kē -wɔn bha- ma, 'yö dho 'ö -ziö 'gü =zang =plöö 'yö =zang -nu bha 'wo dho -biang 'ka 'wo "bɔn kē -me -nu bha, -a -nu kun. 'Në -nu 'ö 'wo gun woo 'dho "bɔn bha, -a -kaong -yaaga (30) -wo -gun Diulabugu "Maadhö 'yö me -kaong -yiiisö ö ga =ple (42) 'wo gun Liblölilö. Wlüü" "sia- -yö -ziö kwaa- 'pö- -nu 'gü 'yö dhiang zë =dhuutii -nu -dhe =dhe 'wa 'dho "wɪ- -bha 'zü kö -wo dhe -bɔn kē. -Kwe 'ö -ziö ya (2009) -a -bha "su 'ö -kē "ze 'ka 'ö "kwi 'dhö- dhe 'Utö bha, -a -dhe -dhekpɔyi -kaong =ple (20) bha, Wlüü" "sia- -yö kē "ta -sü 'ka "Maadhö kö -ya -zɔn =dhe dhe -bɔn 'yaa -së. 'Wɔn yaa kē -sü -mü 'në dhebë -nu 'ka =dhe -kɔ 'ö ka "yan 'dhö- -bha 'sëédhe -ta ya 'dhö. -Pamebhamε -yö ö -bha -zuö -ta 'ö- pö dhe -bɔn 'yaa -së. -Kwa kwa kwaa- kē -sü -zü. Kö =Danwo pö -me -nu 'kwa- 'gü ma -së 'ka bha 'aa -yö kē!

-Kwaa "Kɔdivua -sɛ 'gü -wɔn

= Vote -wɔn



'Sëédhɛ 'ö 'kwa dho 'ta 'sü- -bha waa- = vote -kë -bha 'sëédhɛ 'gü yöö -gblü

-Yö -bho -a -bha = dhɛ = vote 'ö -kwɛ ya- 'ka bha -yö -dho 'to- -bha. -A -wɔn 'gü 'mɛ 'ö = vote -wɔn 'dhö- kwɛɛ- bha, -wa -pö = dhɛ 'kwi -bha 'su 'ö -kë ɔkötɔblɛ 'ka bha, -a -bha 'dhɔɔgɔ -blɛsü bha kwa -dho 'sëédhɛ 'dhɛ 'ö 'kwa dho 'ta kpɔ- -bha -a = slɔɔ 'ka. 'Kɛɛ -kwaa 'gü ma -sɛ 'ka = dhɛ -dhɛ 'ö 'mɛ

"dhü 'ö kë dho 'ö 'tɔ -ya -bha bha, = nɛ 'ö 'sëédhɛ bha 'wo dho- nu kwa -dhɛ mü.

'Wɔn 'ö -gban "Kpɔngtaadhɛ -wɔn -bha



"Tüng 'ö 'kwa dɔ- 'ka ya "tüng yaa -dede -mü. 'Wɔn -nu 'ö 'waa gun kë sië "kpɔngtaa -blɛsü -a = gban -yö kë sië = dɛɛ. 'Pödhe 'ö ka "yan 'dhö- -bha bha -wa -dhɛ Dera Ala 'Yung-. -A 'gü -mɛ -nu -wo -mɔɔ mɛ "gblü këng -yaaga (300 000) -bha. Dha ban -kɔ suu bha -a -blɛsü 'yii kë "dhü do.



'Pö 'ö -kë 'ö 'kwa- pö sië = dhɛ 'kwa dɔ "tüng yaa 'gü bha 'yö bha. -A -gɛn -mü = dhɛ 'wɔn 'ö 'yaa gun kë sië 'kpa -yö kë sië = dɛɛ.

Dha -bha pa 'ö- wo "sɛɛ "wɛɛ 'gü

Me =slɔɔ -pě -nu -wɔn

Pě "bin 'ö -ya bha -kaa -ga



'Pě bha -bhöpě -mü. -Wa -dhe kaadhɔtö. -A suu -yεε -yö 'gbe. -Wa 'bha -nu -dhe dhoayalö 'krɔsɛ, niuvö kuroda "iin Karolinë. "Kεε -a 'dhe 'ö kwa -mawɔn 'dhö- -bha wo -mü kuroda, koömaa 'nu 'ka. -Wo kaadhɔtö -ta "se suu -mεε =ně- 'gü? -Wa -ta "se 'ö -waa -bi 'gü zě -wa -gwě -nu pě "vlaanvlaan -nu =gban bho- 'gü =ně- 'gü. "Kεε "sanni -wa ta kö -wa "yi "wɔsü "iin =bedhe 'bha 'wo- -dhe furadan "iin diafuran 'ö -a "kidhung do 'ö 'wě- käng "saaga (4 000) =ně- =wenng =kö -bleesü "se bha- -ta. -A ga 'ö bha -a 'dhe 'ö dho 'dho- "kadhi do -bha, -a "buati do sɔnng -yö 'wě- "gblü do (5 000). -Wa -ta vεedhō do "se -bi 'gü zě -sü bha- 'gü. -Wa ga -ta 'ö sü "kwi -a "su 'ö -kě 'maasü 'ka 'ö yö 'ka setanngblē -bha bha =ně- 'gü "kεε kö -waa "se -ya =gblēn 'ka. -A ga 'yaa 'dho "sεedhō "wεε 'bha wo =gblēn tongtongdhō. =Ya 'go mü, -a ga 'ö- "yan 'dhō bho -sü 'ka =ně 'ö 'wo- ta. -Wo -mɔɔ -a -bha 'pö 'ö 'wo- ga -nu =kaan "yεen "piě- -piě 'ka 'wo- ta. -Wo -mɔɔ -a -bha 'zü 'ö 'wo- =kaan pě 'bha 'ö 'wo- dhadisü -kě, -a

-A "tüng 'dhe 'bha 'ka, -yö -sě kö "se bha -yö 'to =tɔɔ -sü 'ka. -Wo kadhtö -dhe -wɔn -kun mü =dhe? "Dhɔɔgo -yaaga -naa bha, -a -bong 'dhe ga -ya kě =plē (2) "iin -yaaga (3) 'yö 'wo pě bho- -ta. -Dhekpaɔyi -kaɔng "iin -kaɔng do 'ö ga "sɔɔdhu -ya ziö 'yö 'wo- -kě 'bha wo "dhü. -A -dhe -yaa -bha kö -naa =gblengblēn -yö kě kadhtö -bong -nu bha -a -nu =zinng 'gü. =Ya kě 'yēnng- "bü "tüng 'gü, -yö kö "yi -yö =wenng -a -ta. -Yö -sě kö 'glē- -yö bɔ -a -bong -nu bha, -a -nu "piü. -A -dhe -ya -bha kö =bedhe -yö 'dho -yö =wenng -ta. Kwa -mɔɔ -a -bha 'ö 'kwa- -nu 'tɔ dhea" 'kpɔ -kě dhaglikilütii -mε -nu -gɔ. -A -dhe -ya -bha kö -a -dhe 'gü -yö bho siē siē. 'Mε 'ö yě kě -mε 'yaa ü -gɔ, ü -mɔɔ -bha 'ü yěkēmε =plē "iin -yaaga sü 'yö 'ü- -nu =saa bho mε do 'wě- "gblü "saɔdo (30 000) "iin "saaga (40 000). =Trɔɔn -yö kadhtö 'gü -ee? =Ii. -A -gen -mü =dhe -a "kadhi -yö -mɔɔ -a -bha 'ö 'wě- "miliɔng "sɔɔdhu (5 000 000) =slɔɔ. "Tüng 'ö kadhtö -ya kě 'gbe "dhɔɔ 'kwě- -a "kidhung do -yö -kě 'wě- -kaɔng "saɔdo (300). -A -saan -ya kě -yö -kě 'wě- käng =plē (1000) 'ö -kɔ.

Wɔn 'ö -gban -potaasü -wɔn -bha.

'Kwa- -bleesü pö -Pamebhamε -bha "nimlɔɔ do 'bha 'gü =dhe -kpɔpaa =bedhe "gbu- do 'bha -yö -dhö. "Kwi -a "nɔɔ suu 'bha -yö mü -wa -dhe bɔngdhe wluuziö. "Su 'yaa- -bha. "Nɔɔ bha 'dhö, "yuu "puu -dede ya- 'dhö, pě =plē bha kö ü -zo 'yaa- 'ka, -wo pě -da ü -gɔ pěbhee "piü, 'bha- -nu kaan- "kwě 'bha ü bo -a -bhö -sü 'ka kö "nɔɔ waa- "yɔn "puu bha 'ü- -nu -kaan "kwě 'ü mü kö -kpɔpaa bha 'bha- "kian zě. -Yö -dho kě ü dha -sü 'ka.

'Wɔn 'ö -gban troo -nu -bha mε wəkɔ -nu 'gü

Me 'kɔn -wɔn

Mε =plē 'ö 'wo -ya bha, dhe waa- gɔɔn- -mü. -Wo 'to -sü 'ka wo 'ko -gɔ. "Kεε -kaa -ga 'yö dhebē bha 'ö 'gu sü 'ö =gɔn bha- -gɔ 'yö "kwi 'ně kpɔ. Yö =ně ka "yan 'dhö- -bha bha. Kö -yö kě dhebē bha -yö ziö =ně wo "kwi =keng- 'yaa -mü. 'Wɔn ya

'ka 'wo- ta. -Waa ta, -a "dhɔɔgɔ -yaaga -naa 'yö -ya bho -sü -bha. "Gwɛnnɔ <<'Mɛ 'ö 'gbɛn- kun -sɛ 'yö 'gbɛn- 'dhö ö wengga 'gü zɛ- -bha.>> -Pamebhame ya, 'bha- -wɔn 'kun -sɛ yöö =de 'pö -yö -dho ö -sɛ kɛ- ü -wɔn -bha dhia". 'Kwa- pö "dhü kö kwa- -pö =dhe -Pamebhame "nimlɔv 'dhe 'ö =ya nu 'dodo ü 'gü do "gbu- kö 'ü- =slɔv. Pɛ -Wlangda -sü 'Bha ziö -dhe "pepe 'ö- 'gü -yö ü -bha 'ka kö 'ü -Pamebhame -dhiang zɛ mɛ - nu -dhe kö woo =de 'pö -wo "slɛ mɔv- -bha kö -wa -wo pö. -A sɔnnɔ 'yaa "gbu-. -Kaɔng do ö ga "sɔvdu -mü.	-a -blɛsü -ziaan =ya kɛ "dhü. Dhebɛ do bha 'yö 'gu sü 'yö 'peng- kpɔ 'yö- 'nɛ -nu bha -a mɛ do -yö gun tii 'yö- mɛ do 'ö gun "kwi 'nɛ 'ka. =Ya kɛ "dhü mɛ -yö -dho -a pö =dhe? 
---	--

'Ka ka bo 'sɛɛdhe ya- -wo pö -sü 'ka, 'wɔn 'bha =ya kɛ ka -gɔ kö 'ka pö yi -dhe, -ka 'sɛɛdhe kɛ kö 'ka bo. Yii- 'dresü -mü 08 BP 857 Abidjan 08 'ka. Tel. 08 18 08 88 / 45 01 93 36 ou 02 34 71 20

'Mɛ -nu 'ö 'wo 'sɛɛdhe 'ö ya- -kɛ, wo -mü =Sai Zoziäsü, "Dhɔɔgbö Zafe, =Kesü Mɔyan Dhifɔngsü, Valangten Vidrinö waa- Edhena Pɛdhekwalösökaya 'ö- -nu =gban =plɛ 'wo go Dhusi 'ö -da "Anesü 'ö go 'Suisü, -a -nu 'ka.



-Pamebhamɛ

"Nimlvv : 37 "Su : "Plɛɛ -Kwɛ : 2010 "Su -bha 'sëédhɛ -mü "Gwɛɛtaawo
